

**One-Day Seminar Prog.  
Jointly Organised by Tangmual PWF & KKP.**

**Amun** : **Tangmual P/C.**  
**Ahun** : **26/05/2012.**  
**Time** : **10 : 00 AM**

**Topic : KHANGLAI DINMUN**

**Thumapui:** Kua te hi khangdawng ki ti ahem?Khang dawng te hi akum zat uh akibang puai,Indian a chun taksa kum 15-35 kikal ah pawm ahin, Chun ei Presbyterian dan ah chun 15-40 kikal a hi kit ah,zia hun sung hi het man lokal in amualliam sek hi,zia hun sung hin dawidan tam tak aum ah dawitel thei na hun le ahi.Zia lo chun kihil na,kipuihuai dan,mimal hinkhua apawi maw hun lai tak ahi.Zia hun ahin kipun khawm na lam thagau lam leh adang dang ah kisiam phat hun ahin,Krista ah pian thak hun le ahi.

1. **Mimal mawpuak na:** Mimal hinkhua hi kipuak zaw, kitodel zo angai ah,maw sukthanhuai ding ei puai Pathian in ichin tup ding ah taksa ei piak ahin phatak ah mat ah chin tup ding ahi.Mijosian taksa ibawl uh asia apha isep man imu tei ding uh ahi.
2. **Lunggel:** Mihing taksa pumpi hi lung gel in apui ahin lunggel hawitak leh thiam tak ah gel apawi maw hi.
3. **Tawidan:** Mihing ah ding ah paw mawpen chu tawidan ahin,i um dan tawidan,imi et dan,miho dan lamzawt dan, ichut i din in imi hina aki hethei sek hi , zia zia chun,chingthei tak ah tawi apawi maw hi.
4. **Umdan:** umdan pha hi thiamna zosia sang ah pha zaw ahi.Mi ahina ahung kihet ah,aum ding dan tak ah aum phat le mite ngai san ahung hi sek uh ahi,Hausakna,paisa tamtak umdan setak sang in um dan hawi neichunga lung awi aphazawi “La um dan chu Krista chanchin pha tawh kituak hen”(Philipi 1:27).
5. **Nek leh chak:** Nekthei tampi aum in ahin apha suak kei puai, gilva na ding thaleh zung ei pethei ding te chau nek apha.Imu mu kam ah siam lut ding ahi puai.
6. **Sil leh chen:** Inn sung ah nei la sa sa kichei lo ding, i Inn sung tawh ki lawm ah ki van ding ahun bep cha ki van ah chuleh iki lawmpi ah kivan aphai.,
7. **Nu leh pa thumat:** Dawitel na zia ah thumat hilo in alo theilo ah inu ipa thu mat ding ahi ilei Pathian ahi zia in.Thumat nan malsawm na atut hi.
8. **Innsung:** Inn sunga van umna ding dawl ah kawi ah,bang ah milim ki lawm lo tak tak,van haw nintalua ikawi lo ding uh ahi. Sapte thuching chun “Cleanliness is next to Godliness” Pathian thiangtho hote ihi zia un thiantho na kilawm in Inn sung zem hi tiu.
9. **Malzin leh khawlai lengte:** Inn ah khawlai leng te hawl leh gennawp hawitak ah dawt ding ahi.Malzin hung te,dawn ding,Nekding, Giak na ding chuleh amat ding dawl teu gen sak aphai,i.Inn sung thuguk amau haw hetlo ah gen aphai.het khak lo te muanlo aphai.

*aban ah...*

## **II. Khawtang mawpuakna:**

1. Manimasial lo aphai(Selfish) lo ding, manimasial ten khawtang na asem thei puau.
2. Dikna hin khua ichia khawmthei zel na ding un inek hawl nau, ivai hawm nau chuleh adang dang ah dikna imat un angai hi.
3. Khanglai te hi mi ading ah mipha chuam ihi ding uh ahi. Kithua pi ngaithe kithua pi ding ahi. Khawsunga nasem zolo te tuikhai, Anhuan leh thil dang dang bawl piak ding ahi.
4. Khawvel leh asunga thil siam zosia te hi Lalpa ah ahi. Etkawl na na Lalp[an ei piak ahin. (i) Gan cha, leh zu leh va haw, engbawl ah mawk tha tha lo ding (ii) Thing le gua mawkphuk phuk lo ding, Thing iphuk le atha sang ding phu kit ding, aziak chu sa leh mihing te ading ah dam thei na leh tui thiang imu thei nau ahi zia in
5. Khawsung veng sung thiango tak ah kawi hi imaw puak nau ahi.
6. Lusun na Inn, kipak na in leh mun dang dang ah khang laite hiding dawl tawm ngai tak leh gun chu tak ah pan ding, nei tu chan chanding

## **III Kristian na :**

Kristian na khawi ah kipan ahi em? Mimal hikhua leh Inn sunga ah kipan ahi. Kochuam leh Kristian na ki khen theilo, chia khawm zing ding ahi. Kochuam ti hi Greek pau in Ekklesia ti ah le dawk ahin, aum zia chu Pathian in khawvel pumpi apat ako daw, ah ama ading ah suklam dang ah um haw ahuap suak kei hi. Mimal in mawpuak na inei chiat ui.

1. Khanglai te Kochuam khut leh keng :Khanglai te hi Kochuam khu le keng ihiu va zia zia chun Kochuam sunga pan hawitak ilak ding uh, Biak Inn ikai zing ding uh ahi.
2. Mun dang dang ah sem suak kei thei lo ihi zia un, Kochuam ah law upa te thumat ah apawimaw na zosia matthei ding ah kisa zou sa um ding ahi, imawpuak na chung ah gin um tak leh pha tak ah sep ding.
3. Gun chutak ah thil bawl ding. Pathian chu bangma tik in aki chawl ngai pua, nasem zing ahi. Gun chu na hi aga law na dinga kalbi um sun ahin, Sapte thu ching chun “An idle brain is Devil’s Workshop” Thitha te nasepna mun pi chu mithada te ngaituana ahi. Gunchu na hi Kristian na ahi. Setan pan mun piak lo ding ahi.
4. Kikhawpna, la lam ah mapui khuang khet, Pathian chawihawi na la sak chuleh Sunday School ah pan ina sep ding uh ahi.
5. Pathian thu hilvel dinghi Kristian khanglai te na ahi. Sunday School union ah sim lai tam tak Pathian thuhil chian ah, ilawi ipai ginglo tu te ihil ma banun iumchan, khang chan, apat kristian na sep na ipuak dawk zel uh angai hi.

Asung ah thu hung ki taklang te mimal , khawtang leh Kristiana hi Lalpan khanglaite mawpuak na akawi ahi. Ihetsa teu le tu tu ah ivak zilkhawm teu lawk tak le gasua ngei ding in Lalpan khanglai te malsawm ta hen.

Prepared By:

Mrs. Ting nu